

元和郡縣志



元和郡縣志卷三十一

唐李吉甫撰

江南道

六

黔州

黔中下都督府

開元戶三千九百六十三 鄉一十一
元和戶一千二百一十二 鄉九

今為黔州觀察使理所

管黔州涪州夷州思州費州南州珍州溱州播州辰

州錦州敘州溪州施州夔州 管縣五十二
案都管戶數傳寫缺

本漢涪陵縣理後漢獻帝時分為四縣置屬國都尉理涪陵至蜀先主又增置一縣改為郡晉永嘉後地沒蠻

夷經二百五十六年至宇文周保定四年涪陵蠻帥田恩鶴以地內附因置奉州建德三年改爲黔州隋大業三年又改爲黔安郡因周隋州郡之名遂與秦漢黔中郡犬牙難辨其秦黔中郡所理在今辰州西二十里黔中故郡城是漢改黔中爲武陵郡移理義寧卽今辰州敘浦縣是後魏移理臨沅卽今辰州是今辰錦敘獎溪澧朗施等州實秦漢黔中郡之地而今黔中及夷費思播隔越峻嶺東有沅江水及諸溪並合東注洞庭湖西有延江水一名涪陵江自牂柯北歷播費思黔等州北

注岷江以山川言之巴郡之涪陵與黔中故地炳然分矣貞觀四年于州置都督府總務施業辰智牂充應莊九州其年自今州東九十里故州城移于涪陵江東彭水之南聖歷九年罷都督府景龍二年又罷莊州都督府復以播州爲都督府先天二年罷播州都督府復以黔中爲都督府開元二十六年又于黔中置採訪處置使以都督渾瑊爲使又隸五溪諸川入黔中道仍加置經略使天寶元年改爲黔中郡六年都督蕭克濟以舊城傾欹移築城于江畔乾元元年復爲黔州大歷四年

以辰錦等五州為辰錦觀察使至十年奉敕卻隸黔府

州境東西五百四十五里南北二百九十八里

八到東北至上都取江陵府路三千六百五十里北取萬開州路二千五百七十里

東北至東都三千四百四十五里東南至思州二百八十里

南至夷州五百八十里西南至播州八百里

西北至涪州三百三十一里北渡江山路至忠州四百里

貢賦開元貢黃蠟賦紵布

元和貢蠟五十斤竹布

管縣六

彭水 黔江 洪杜 洋水 信寧 都濡

彭水縣上郭下

本漢西陽縣地屬武陵郡案此與州序所云本漢涪陵縣理有異自吳至

梁陳並為黔陽縣地隋開皇十三年蠻帥內屬于此置

彭水縣

伏牛山在縣北一百里

左右鹽泉今本道官收其課

黔江縣中下西至州二百里

本漢西陽縣地隋開皇五年置石城縣屬庸州大業二

年廢武德元年又置天寶元年改名黔江

洪杜縣 中下北至州一百三十里

武德二年析彭水縣于今縣北十八里置因縣東一里

洪杜山為名麟德二年移于今理

洋水縣 中下東北至州一百六十里

本武德二年于今縣東置盈隆縣貞觀十年移于今理

先天元年改為盈川以縣南有盈川山為名天寶元年

改為洋水以縣西三十里洋水為名

信寧縣 中下東南至州一百三十里

隋大業十年于今縣西南置信安縣武德二年改為信寧縣屬義州 義州今夷州義泉縣理是 貞觀四年移于今理十一年屬黔州

涪陵江水去縣二里

都濡縣 中下北至州二百里

本貞觀二十年析盈隆縣置以縣西北六十里有都濡水為名也

涪州 涪陵下

開元戶六千九百九 鄉二十六 元和戶三百五 鄉二十一

禹貢梁州之域春秋時屬巴國秦為巴郡地華陽國志曰涪陵巴之南鄙從枳縣入泝涪水枳縣即今涪州所理是也與荆楚界相接秦將司馬錯由之取黔中地漢為涪陵縣地蜀先主以為涪陵郡武德元年立為涪州在蜀江之南涪江之西故為名上元二年因黃孽硤有獠賊結聚江陵節度呂誼請隸于江陵置兵鎮守元和三年中書侍郎平章事李吉甫奏曰涪州去黔府三百里輪納往返不踰一旬去江陵一千七百餘里途經三硤風浪沒溺頗極艱危自隸江陵近四十年眾知非便

疆里之制遠近未均望依舊屬黔府

州境 案州境里數傳寫缺

八到 東取江陵路至上都水陸相兼三千三百二十五里從萬州北開州道宜縣及洋州路二千三百四

十里 東至東都三千六百里水路至萬州六十里

東至忠州三百五十里

東至江陵府水路一千七百里

東南至黔州水路三百三十里

西南至渝州水路三百四十里

西北陸路至渠州陵山縣三百七十里

貢賦 開元貢 麩金 文鐵刀 蒟醬 元和貢 白蜜 連頭十段布一疋

管縣四

涪陵 樂温 武龍 賓化

涪陵縣 中下郭下

本漢舊縣屬巴郡

案此似與前以黔州為漢涪陵縣理相混必合後條州城本枳縣城乃明

漢時亦甲軍多取此縣人蜀置涪陵郡隋開皇廢郡縣屬渝州武德元年置涪州縣改屬焉

雞鳴硤山在縣西十五里先主時涪陵人反蜀將鄧芝討焉至雞鳴硤見猿母子相抱芝引弩射中猿母其子拔箭以樹葉塞瘡芝投弩水中嘆曰吾傷物之性其死矣果亡

州城本秦枳縣城也自李雄據蜀此地積為戰場人眾奔波或上或下桓温定蜀以涪郡理枳縣城

開池在縣東三十里出鋼鐵土人以為文刀

樂温縣 中下東南至州一百一十里

本漢枳縣地周明帝分置巴縣武德二年改為樂温縣因樂温山為名在縣南三十里縣出荔枝

武龍縣 中下西北至州二百五十里

本漢涪陵縣地武德九年分立武龍縣

涪江水在縣南屈北流注于蜀江

賓化縣

中下東北至州三百里

本漢枳縣地周武成三年省入巴縣貞觀十一年分巴縣置隆化縣以縣西永隆山為名先天元年以犯廟諱改為賓化縣

夷州

義泉下

開元戶一千四百八十七 鄉一十一

案元和戶鄉數傳寫缺

本徼外蠻夷之地自漢至梁陳並屬牂柯郡累代恃險多不賓附隋大業七年置綏陽縣屬明陽郡武德四年改為夷州貞觀元年廢四年于黔州都上縣復置

州境

東西二百九十里 南北二百九十里

八到

東北至上都取江陵路四千一百五十五里北取當州路三千七百里

東北至東都二千九百四十五里

東至費州三百里

東北至涪州四百里

西南至播州二百四十里

北至黔州五百八十里

貢賦

開元貢 班布 賦 麤布

元和貢 葛粉三十斤

管縣五

綏陽 都上 義泉 洋川 寧夷

綏陽縣 中下郭下

本漢牂柯郡地隋大業十二年巴郡丞梁粲招慰所置
綏陽山在縣北二十九里縣以為名

都下縣 中下西北至州五十里

本漢牂柯郡地隋大業十二年招慰所置其處是酋豪
首領都集之所因以為名

義泉縣 中下東北至州一百里

隋大業十一年招慰所置以帶山泉為名屬義州武德
中于此置牢州貞觀十七年州廢以縣屬夷州

洋川縣 中下東至州一百里

武德二年于今縣東北置屬義州貞觀十四年于今理
置

寧夷縣 中下西北至州一百九里

隋大業八年置屬明陽郡武德四年屬夷州永徽後廢
思州 寧夷下

開元戶三千四百四十二 鄉十
元和戶四百二十九 鄉六

楚為黔州地秦拔之置郡自漢至吳並為武陵郡西陽
縣地吳分置黔陽縣至梁陳不改隋開皇九年置務川

縣屬庸州庸州黔江縣地是也大業二年廢武德四年于縣置務

川郡貞觀四年改為思州以思邛水為名

州境東西六百三十里南北五十二里

八到東北至上都取江陵路三千九百二十五里東北至東都三千七百二十五里

東南至錦州常豐縣五百里南至費州水路四百里

西南至夷州四百里西北水路至黔州二百八十里

貢賦開元貢葛朱砂元和貢蠟十五斤

管縣三

務川 思王 思邛

務川縣中下郭下

本漢西陽縣地屬武陵郡自晉至陳並為黔陽縣地至隋開皇十九年置因川為名

內江水一名涪陵水在縣西五十步

思王縣中下北至州水路三百里

武德三年置相傳云漢時陳丘為牂柯太守阻兵保據思邛水漢將夜郎王數萬破丘于此安撫百姓時人思

慕遂為縣名

思邛縣中下西北至州二百九十里

開元四年招輯生夷所置

費州 涪州下

開元 案 知數及元和戶鄉數並傳寫缺

本古徼外蠻夷地漢武帝元鼎六年通西南夷置牂柯

郡隋文帝于此置涪川縣屬黔州煬帝改為黔安郡貞

觀四年分思州涪川扶陽縣置費州

州境 案 州境里

八到 東北至上都取江陵路四千三百三十五里

東北至東都四千一百二十五里
東至獎州水陸相兼四百里
正南徼西至牂柯充州一百九十里

西南至播州四百里
北至思州水路四百里

貢賦 開元貢 蠟四十斤

管縣四

涪川 多田 城樂 扶陽

涪川縣 中下郭下

本漢牂柯郡之地隋文帝開皇五年置取涪水為名

內江水經縣北一百五十步

多田縣 中下西南至州四十里

武德三年置初屬思州貞觀八年屬費州

涪陵江水經縣南五十步

城樂縣 中下東至州一百五十里

武德四年置初屬思州貞觀八年割屬費州

扶陽縣 中下東南至州八十五里

武德置屬思州貞觀四年屬費州

南州 南川下

開元戶一千一百二十四
案 鄉數及元和戶鄉數並傳寫缺

周屬雍州戰國為巴國界秦為巴郡之地漢為巴郡江
州之境其男女露頭徒跣衣皆左衽周閔帝拓定巴境

以江州置七州郡武德二年割渝州置領六縣又改為

夔州四年復為南州

州境 東西二百一十里
南北一百八十九里

八剏 東北至上都三千一百六十里
東北至東都二千九百里

西至沒丁山八十里
西南至溱州二百七十里

北至渝州江津縣二百三十里

貢賦 開元貢 斑布

管縣二

南川 三溪

南川縣 中下郭下

本漢江州之地武德二年置隆陽縣先天元年改為南川

蘿緣山在縣南十二里山多楠木堪為大船

夔溪水在縣南四十步

三溪縣 中下西北至州二百四十里

貞觀五年置以縣內有夔溪東溪葛溪三溪合流故為名其縣城甚高險

夔溪水在縣西

珍州 夜郎下

開元戶二千六百
案 鄉數及元和戶鄉數並傳寫缺

本徼外蠻夷之地貞觀十六年置

州境 案 州境里數傳寫缺

八到 東川至上都五千五百五十里
東北至東都四千五百四十五里

東南至播州二百里
西接夷獠界
北至濠州二百四十里

貢賦 開元貢 蠟

管縣三

夜郎 麗臯 樂源

夜郎縣 中下郭下

麗臯縣 中下

樂源縣 中下

右並貞觀十六年開山洞與州同置三縣並在州側近或十里或二十里隨所畚種田處移轉不常厥所

溱州 溱溪下

開元戶八百九十二
鄉數及元和戶鄉數並傳寫缺

本巴郡之南境貞觀十六年有渝州萬壽縣人牟智才

上封事請于西南夷竇渝之界招慰不庭建立州縣至

十七年置以南有溱溪水為名

州境 案州境里數傳寫缺

八到 東北至上都三千四百三十四里
東北至東都四千二百九十一里

東與賓州接界山險不通無里數
東北至南州二百七十里

東北至黔州取珍播夷路一千三百里
正南微東至珍州二百四十里

西接合江縣

貢賦 開元貢 茄子 楮皮布 紵布 黃蠟
元和貢 蠟四十斤

管縣二

榮懿 扶觀

通典舊唐書新唐書文獻通攷及宋史並作扶歡與此異

榮懿縣 中下郭下

貞觀十六年與州同置

扶觀縣 中下東北至州五十里

貞觀十六年與州同置以縣東扶觀山為名

播州 播川下

案開元元和戶鄉數並傳寫缺

本西南徼外蠻夷夜郎且蘭之地戰國屬楚秦亦常置
吏至漢武帝平西南夷置牂柯郡貞觀元年于牂柯北
界置麟州十一年省十三年置播州景龍二年置都督

府先天二年罷

州境 案州境里數傳寫缺

八到 東北至上都取江陵路四千三百五十五里北取萬開州路三千二百七十里

東北至東都四千一百四十五里

東南至牂柯州二百二十里

東北至牂柯北界巴陵江鎮七十里

東北至費州四百里

東北至黔州八百里

貢賦 元和貢 蠟二十斤

管縣三

遵義 帶水 芙蓉

遵義縣 中下郭下

本恭水縣貞觀十四年改為羅蒙十六年改今名

夷牢水經縣北一里

帶水縣 中下東至州七十里

貞觀九年置柯盈縣屬朗州十三年屬播州十四年改為帶水縣因縣北有帶水為名

芙蓉縣 中下西南至州六十里

貞觀五年置在芙蓉山上因為名後移于山東三里即今理是又有舍月胡刀胡江羅為四縣並貞觀中置今

廢

辰州 盧溪下

開元戶五千三百二十一
元和戶一千二百二十九
鄉一十三
鄉一十一

禹貢荊州之域春秋時屬楚秦為黔中郡漢為武陵郡沅陵縣地按後漢書高辛氏有畜犬曰槃瓠帝妻以女有子十二人皆賜名山廣澤其後滋蔓今長沙武陵是也光武時尤盛其渠帥精夫相單程等據險為寇精夫者蠻為渠帥者也漢遣將軍劉尚發兵萬餘人泝沅水入武溪擊之山深水急舟船不得上蠻緣路徼戰漢軍

皆沒後遣伏波將軍馬援等至臨沅擊破之其單程等
 悉降蠻平因置吏陳文帝于此置沅陵郡開元九年改
 為辰州取辰谿為名謹按辰州蠻戎所居也其人皆槃
 瓠子孫或曰巴子兄弟入為五谿之長今酉谿在州西
 次南武谿次南沅谿次南辰谿次東南熊谿次東南朗
 谿其熊朗二谿與酈道元水經注雖不同推其次第相
 當則五谿盡在今辰州界也景雲二年置都督府開元

中罷

州境

東西一千二百五十七里
 南北一千四百二十七里

八到

北至上都二千五百一十里
 東北至東都二千二百五十里
 東至朗州沿流四百六十里
 南至敘州水路五百三十八里
 西南至錦州水路七百一十里
 正西徼北水路至溪州三百六十八里
 正北徼東至澧州七百五十里

貢賦

開元貢 犀角 水銀
 元和貢 光明砂 藥砂

管縣五

沅陵 盧溪 麻陽 敘浦 辰溪

沅陵縣

上郭下

本漢舊縣屬武陵郡陳屬沅陵郡隋平陳屬辰州

壺頭山在縣東四十九里卽馬援攻五谿蠻置營之所

初援軍下雋

似阮反

有兩道可入從壺頭路近而水險從

充道則途夷而運遠

充州在澧州西五百里武德所置崇義縣東北一里故充城是南至

沅陵縣一

百二十里中郎將耿況欲從充道援以爲如進壺頭搃

其咽喉賊自破遂進營于此賊乘高守隘水迅船不得

進會暑甚士卒多疾死援穿岸爲室以避炎氣武陵記

云今山邊有石窟卽援穿空室處

明月山下有明月池沅陵記云兩岸素山崖石如披雪

寒松如插翠在縣東二百里

沅江在縣南二十里

秦黔中故郡城在縣西二十里

盧溪縣

中東北至州一百六十里

本漢沅陵縣地梁天監十年置盧州隋末蕭銑于此置

盧溪縣以南溪爲名武德後因而不改

盧水在縣西二百五十里卽武溪所出武陵記云溪山

高可萬仞山中有盤瓠石窟可容數萬人窟中有石似

狗形蠻俗相傳卽盤瓠也又有巴蛇四眼大十圍不知

長幾里

麻陽縣 中下東北至州四百里

陳天嘉三年于麻陽麻口置戍垂拱四年置龍門縣尋改為麻陽因戍為名

三山谷一名辰山在縣西南八百三十五里

苞茅山有刺而三脊在縣西南三百五十里

敘浦縣 上西北至州三百八十五里

本漢義寧縣地離騷云入敘浦而遭迴即此也武德四年分辰溪置此縣

車靈故城在縣南一里靈則吳之叛臣入敘溪以自保

號車王後為吳將鍾離殺之

辰溪縣 中下西北至州一百六十里

本漢辰陵縣屬武陵郡後改曰辰陽以在辰水之陽為名離騷云朝發枉渚夕宿辰陽是也隋平陳改為辰溪縣

五城山在縣東南三百六十二里武陵記云楚威王使將軍莊躋定黔中因山造此城

沅江水在縣南二百步

錦州 盧陽下

開元戶三千一百三十一 鄉十一
案元和戶鄉數傳寫缺

本漢辰州盧陽之地垂拱三年以地界闊遠分置錦州
以州理前溪水多文石望之似錦因名長安四年移于
伏溪水灣曲中置卽今理是惟東面平地餘三面並臨
溪岸

州境 案州境里數傳寫缺

八到 東北至上都三千二百一十一里
東北至東都二千七百五十里

東北至辰州水路九百里
東北至溪州五百里
南至思州八百里
南至獎州陸路五百四十里

貢賦 開元貢 光明砂 水銀

管縣五

盧陽 洛浦 招喻 渭陽 常豐

盧陽縣 中下郭下

垂拱三年與州同置在盧水口因以爲名長安四年移
于今理

晃山在縣南一百里山出丹砂

洛浦縣 中下南至州一百八十里

先天二年分大鄉縣置以縣西洛浦山爲名縣東西各

有石城一甚險固狁獠反亂居人皆保其土

招喻縣 中下西南陸路至州八十里

垂拱三年析辰州盧溪縣置

渭陽縣 中下東至州三百里

垂拱三年析麻陽縣置在坡山西陞山甚高險百姓食

坡山溪水

常豐縣 中下東南至州四百里

垂拱三年置初名萬安天寶二年改為常豐

磨匿山在縣東五十里

敘州 潭陽下

開元戶四千九百四十一
元和戶一千六百五十七
案鄉數傳寫缺

秦置黔中郡漢為武陵郡無陽縣之地荆州記舞溪獠

獠之類其縣人但羈縻而已溪山阻絕非人跡所履又

無陽烏獠萬家皆咬地鼠之肉能鼻飲隋初于此置辰

州貞觀八年分辰州龍標縣置巫州天授二年改曰沅

州開元十三年以沅原聲相近復為吳州天寶元年改

為潭陽郡大歷五年以境接敘浦改為敘州

州境 案州境里
數傳寫缺

八到

北至上都三千四十八里
東北至東都二千七百八十八里

東南踰嶺至吉州水陸共一千一百里

南踰嶺至融州水陸共一千五百里

西泝流至獎州八百里

北沿流至辰州五百三十八里

貢賦

案開元元科貢賦並傳寫缺

管縣三

龍標 朗溪 潭陽

龍標縣

上郭下

本漢無陽縣地輿地志縣本在無水之陰後漢省入辰陽縣隋初于此置辰州煬帝廢州武德七年置龍標縣

因龍標山為名

朗溪縣

中下北至州一百二十里

漢鐔

音尋

城縣之地晉安帝省貞觀八年析龍標縣置在

朗溪之側因為名

沅溪水西南自獠界流入

潭陽縣

中下東至州三百二十里

先天二年析龍標縣置在無水東岸

溪水在縣南二里

溪州

靈溪下

開元戶四百七十七
元和戶八百八十九

案鄉數傳寫缺

漢屬武陵郡為沅陵遷陵二邑之地梁置大鄉縣天授

割辰州大鄉三亭二縣立溪州

州境 東西六百里
南北八百里

八到 北至上都二千八百七十八里
東北至東都二千六百一十八里

正東微南至辰州三百六十里

東北至澧州水陸相兼一千三百里山路險阻若
遇霖潦則不通行

西沂流三百七十里本管三亭縣自縣西水陸路
相兼五百里至黔江縣又西三百里至黔州其三

亭縣與施州接界山路峻不通行

貢賦 開元貢 朱砂 黃連
元和貢 朱砂 一十斤 黃蠟 二百斤

管縣二

大鄉 三亭

大鄉縣 上郭下

蕭梁置已具州敘

齊右城在縣東二百一十二里秦時武安君所築

陋城在縣東南六十七里漢橫海將軍韓說所築

三亭縣 中下東至州水路三百七十里

本漢遷陵縣屬武陵郡隋廢入大鄉縣貞觀元年分大

鄉復置因鄉西十五里有三亭古城為名

酉水南有龍標故城蜀將馬德信所築其城甚寬大在龍標山

石門洞在縣缺一百五十里其嶮峽纔通一舟

黔山在縣西五十里後漢時陸康伐蠻假此即禱請為

援諸樹木皆有人馬之形因平郡寇改為武神山

施州 清江下

開元戶三千四百七十六 鄉一十六
元和戶一千八百四十五 鄉一十六

春秋巴國之界七國為楚巫郡之地秦屬黔中郡漢為巫縣之地巫縣即今夔州巫山縣是也吳分立沙渠縣

至梁陳不改周武帝建德三年于此置施州隋改為清

江縣義寧二年復置郡

州境 東西六百一十八里
南北四百九十五里

八到 東北至上都二千七百里
東北至東都二千三百八十五里

東至敘州七百六十五里
南至黔州四百八十五里
西至萬州六百八十五里
北至夔州五百里

貢賦 開元貢 清油 蜜 黃連 藥子 蠟
元和貢 黃連十斤 藥子二百顆

管縣二

清江 建始

清江縣 中下郭下

本漢南巫縣地吳沙渠縣隋開皇五年置清江縣屬施州置在清江之西因以為名

清江一名夷水昔廩君浮土舟于夷水即此也

建始縣 中下南至州一百三十里

本漢巫縣地後周以前無縣邑建德三年于此置業州並置建始縣貞觀八年廢以縣屬施州

獎州 龍溪下

開元戶一千七百四十鄉六
元和戶三百四十九鄉六

本漢武陽縣地貞觀八年于此置夜郎屬巫州長安四年于此置舞州開元十三年改為鶴州二十年又改為業州大歷五年又改為獎州

州境 案州境里數傳寫缺

八到 北至上都三千八百四十八里
東北至東都三千五百八十八里

東沿流至敘州八百里
南至牂柯羈縻應州三百里
西南泝流沿溪至費州五百七十里
西南泝流至牂柯充州七百里

貢賦 案開元元和貢賦並傳寫缺

管縣三

峨山 渭溪 梓薑

峨山縣 中下郭下

本夜郎縣天寶元年改為峨山其縣本在渭溪之南長壽初移于溪北

渭溪縣 中下西至州水路一百六十里

聖歷元年析峨山縣于渭溪東置因以為名

渭溪水北自錦州渭陽縣流入

梓薑縣 中下東北至州水路四百里

建中四年自牂柯洞外充州割屬獎州 案唐書地理志武德三年貞觀

四年以牂柯蠻部地置牂琰莊充應矩六州皆為下州開元中降牂琰莊為羈縻天寶三載又降充應矩為羈縻以本隸充州之梓薑縣隸業州其原委詳備惟與是志所云建中四年割屬先後有異附識于此

元和郡縣志卷三十一

元和郡縣志卷三十二

唐 李吉甫 撰

劍南道

成都府 益州大都督府

開元戶十三萬七千四十六 鄉二百五十一
元和戶四萬六千一十 鄉二百四十二

今為西川節度使理所 管益州彭州蜀州漢州邛

州眉州松州茂州翼州維州當州悉州靜州柘州
恭州真州黎州巂州姚州協州曲州 管縣一百

案 都管戶數傳寫缺

禹貢梁州之域古蜀國也歷夏商周武王時庸蜀羌髳

微盧彭濮皆助伐商及周衰蜀僭號稱王秦惠王元年蜀人來朝八年因五丁伐蜀滅之封公子通爲蜀侯于成都置蜀郡以張若爲守因蜀山以爲郡名也始皇三十六郡蜀郡不改其理本在青衣江今嘉州龍遊縣界漢高帝王蜀分蜀置廣漢郡初有漢中廣漢巴蜀四郡武帝遣唐蒙通西南夷又置牂柯越巂犍爲益四郡因分雍州之南置益州焉後公孫述據成都改益州爲司隸蜀郡爲成都郡吳漢討述平之州郡復舊靈帝末劉焉爲益州牧初理綿竹後遇天火焚燒城闕府庫蕩盡

遂徙理成都焉子璋繼立後以州降先主獨益州置牧蜀郡置守魏景元四年鍾會鄧艾平蜀晉武帝改蜀郡爲成都國以皇子穎爲王惠帝時李雄竊據桓溫討平之簡文帝時苻堅遣將鄧羌楊安伐蜀益州並沒于秦孝武太元八年平蜀安帝時譙縱又據益州叛朱齡石討平之至梁武陵王蕭紀竊號于蜀其兄湘東王繹討之斬于白帝西魏廢帝二年地並入于魏益州置總管至周并省郡與州同理成都隋開皇三年置西南道行臺大業三年罷州爲蜀郡武德元年改爲益州總管府

三年置西行臺龍朔三年復為大都督府開元二十一年

又于邊郡置節度使以式遏四夷成都為劍南節度

理都管兵三萬九百人馬二千匹凡西抗吐蕃南撫蠻

揔統團結營蜀郡城內營兵一萬四臨翼郡通化郡北

管兵五百人維川郡通化郡西二百七十里天寶軍

臨翼今翼州維川郡兵五百人維川今維州

平戎城東八十里在維川郡東開元蓬山郡維川郡北

二十年章仇兼瓊置管兵一千人蓬山郡管兵五百

人蓬山交川郡臨翼郡北百里管兵二平戎城恭化郡

今柘州交川郡千八百人交川今松州平戎城南八十

里開元二十八八年章仇兼瓊置管兵盧山郡臨邛郡西

千人去蜀郡八百里恭化今恭州盧山郡二百

兵四百人盧江源郡貞觀二十一年裴行方置洪源郡

山今雅州江源郡管兵五百人江源郡今當州洪源郡

開元三年陸象先置管昆明軍越嶲郡南開元中移置

兵千人洪源今黎州昆明軍管兵五千二百人馬二

百寧遠軍越嶲郡西昆明縣南開雲南軍管兵二千三

姚澄川寨雲南郡東六百人南溪郡瀘川郡西二百五十

州今戎州瀘歸誠郡靜川郡東南管兵四百人天寶元年

川今瀘州歸誠郡歸誠今悉州靜川今靜州天寶元年

改蜀郡大都督府十五年玄宗幸蜀改為成都府

州境東西二百九里南北三百八十八里

八到東北至上都二千一十里東北至東都二千八百里

西南至邛州二百六十里
西北至彭州一百里
北至漢州一百里

貢賦 開元貢 羅八疋 布八疋 元和貢 高杼裨布綾羅 高杼衫段 絲布

管縣十

成都 華陽 靈池 犀浦 廣都 郫

溫江 新繁 雙流 新都

成都縣 次赤郭下

本南夷蜀侯之所理也秦惠王遣張儀司馬錯定蜀因築城而郡縣之自秦漢至國初以來前後移徙十餘度

所理不離郡郭

武擔山在縣北百二十步

大江一名汶江一名流江經縣南七里蜀守李冰穿二江成都中皆可行舟漑田萬頃蜀人又謂流江為懸笮橋水此水濯錦鮮于他水

州城秦惠王二十七年張儀所築初儀築城屢頽不立忽有大龜周行旋走巫言依龜行處築之遂得堅立城西南樓百有餘尺名張儀樓臨山瞰江蜀中近望之佳處也

南外城中有文翁學堂一名周公禮殿華陽國志云文翁立學精舍講堂作石室一曰玉室李膺記云後漢中平中火延學觀廂廊一時蕩盡惟此堂火焰不及搆制雖古而巧異特奇壁上悉圖古之聖賢梁上則刻文宣及七十弟子齊永明中劉瑱更圖焉朱齡石平譙縱勒宋武帝檄文于石壁之室代王更以丹青增飾古畫仍加豆盧辨蘇綽之像

少城一曰小城在縣西南一里二百步蜀都賦云亞以少城接乎其西

錦城在縣南十里故錦官城也

摩訶池在州中城內

萬里橋架大江水在縣南八里蜀使費禕聘吳諸葛亮祖之禕嘆曰萬里之路始于此橋因以為名

西南兩江共七橋李冰所造言上應七星漢世祖遺吳

漢伐蜀

案世祖原本避諱作代祖今更正

謂之曰安軍宜在七星橋間

昇仙橋在縣北九里相如初入長安題其門不乘高車駟馬不過汝下

江濱祠在縣南八里

盤石城在縣東三十里

先主廟在縣南二十里

鄧艾廟在縣西二里

華陽縣

次赤管縣東界郭下

本漢廣都縣地貞觀十七年分蜀縣置乾元元年改為

華陽縣華陽本蜀國之號因以為名

宋興山在縣北三十里

笮江水在縣南六里

靈池縣

次畿西至府六十里

久視元年長史李通廣奏分蜀縣廣都置東陽縣天寶

元年為靈池縣因縣南靈池為名

武侯山在縣東南十五里

分棟山在縣東十五里其山北連秦隴南入資瀘其于

東川郡此為隔門也

浚江在縣北四十里

犀浦縣

次畿東至府二十七里

本成都縣之界垂拱二年分置犀浦縣昔蜀守李冰造

五石犀沈之于水以厭怪因取其事為名

都江水在縣北四里

黃花水在縣南八里

廣都縣 次畿北至府四十二里

本漢舊縣元朔二年置蜀號三都者成都新都廣都也

先主以蔣琬為廣都長諸葛亮曰琬託志忠雅當贊王

業非百里之才即此也隋仁壽二年避煬帝諱改為雙

流縣今廣都縣龍朔三年長史喬師望重奏置

大塔山在縣東四十里有阿育王塔因名

牛飲水在縣西三里

諸葛亮宅在縣南一十九里

郫縣 次畿東至府五十里

本郫邑蜀望帝理汶山下邑曰郫是也秦滅蜀因而縣

之不改

平樂山在縣西二十五里

郫江一名成都江經縣北去縣三十一里

故郫城在縣北五十步晉惠帝大安二年李雄殺汶山

太守陳君遂竊據郫城自稱大都督益州牧刺史羅尚

數攻之後尚為雄所敗委城夜遁雄遂克城都自郫遷

據焉

温江縣 次畿東至府七十五里

本漢郫縣地也後魏于此置温江縣屬蜀郡隋開皇三年廢人郫縣仁壽三年于郫東境置萬春縣貞觀元年改名爲温江縣

大江俗謂之温江南流經縣一里出麩金

皂江在縣西十里

新繁縣 次畿東南至府六十里

本漢繁縣地屬蜀郡因繁江以爲名也周改爲新繁隋

開皇三年省武德三年分廣都縣地重置因周舊名也

郫江一名成都江經縣西去縣十一里

雙流縣 次畿北至府四十里

本漢廣都縣也隋仁壽元年避煬帝諱改爲雙流因以縣在二江之間仍取蜀都賦云帶二江之雙流爲名也皇朝因之龍朔三年又別立廣都縣

宜城山在城南十二里出紫草

諸葛亮舊居在縣東北八十八里今謂之葛陌孔明表云薄田十頃桑八百株卽此地也

新都縣 次畿南至府四十八里

本漢舊縣也屬廣漢郡隋開皇十八年改為興樂縣武

德二年分成都縣地重置

麗元山在縣北八里

新婦峴在縣北七里

諸葛亮八陣在縣北十九里

彭州 濛陽縣

開元戶五萬一百二十
元和戶九千八百八十七 鄉一百
鄉八十八

禹貢梁州之地漢分梁州為益州即漢益州繁縣地也

垂拱二年于此置彭州以岷山導江江出山處兩山相

對古謂之天彭門因取以名州

州境 東西一百七十六里
南北七十一里

八到 東北至上都一千九百八十五里
東北至東都二千八百四十五里

東至漢州七十五里
東南至成都府一百里

西南至蜀州一百二十里
西北取灌口路至茂州三百七十里

貢賦 開元貢 交梭羅

管縣四

九隴 導江 唐昌 濛陽

九隴縣

望郭下西至州二里

本漢繁縣地舊曰小鄠言土地肥良比之鄠縣也梁于
此置東益州後魏改為九隴郡取九隴山為名也隋開
皇三年罷郡為九隴縣屬益州皇朝因之後改屬彭州
白鹿山在縣西北六十一里

九隴山在縣西二十五里連峯迤邐凡有九曲

導江縣

望東至州五十八里

本漢鄠縣地武德元年于灌口置盤龍縣尋改為灌寧
縣二年又改為導江縣取禹貢岷山導江之義也屬成

都垂拱二年割屬彭州

玉壘山在縣西北二十九里蜀都賦由玉壘而為守

灌口山在縣西北二十六里漢蜀文翁穿渝江溉灌故
以灌口名山又灌口山西嶺有天彭關亦曰天彭門兩
石相立如闕故名之蜀後主以建興十四年至渝江登
觀坂看汶江之流初白馬氏侵掠益州刺史皇甫晏表
討之軍至都江屯觀坂蜀郡何旋進諫曰今所安營地
名觀坂自上觀下反上之象漢高悟柏人岑彭忌岑亡
不可不察晏不納其夜果敗

盤龍山在縣北二十里

大江西自茂州界流入按孫卿子曰江出汶山其源可
以濫觴及至江津下方舟避風不可涉也

蠶崖谷在縣西北四十七里其處江山險絕鑿崖通道
有如蠶食因以為名漢于此置縣後廢

灌口鎮在縣西二十六里後魏置自觀坂迄于頃山五
百里間兩岸壁立如峯瀑布飛流十里而九昔人以為

井陘之阨

犍尾堰在縣西南二十五里李冰作之以防江決破竹

為籠圓徑三尺長十丈以石實中累而壅水漢成帝時
瓠子河決王延塞之用此法也漢書所謂下淇園之竹
以為犍

望帝祠在灌口鎮城內

李冰祠在縣西三十三里

司馬相如墓在縣東十二里

唐昌縣 望東至州三十里

本鄆縣導江九隴三縣之地儀鳳二年于此分置唐昌
縣

江水在縣西北四里

白水在縣北三里

昌化山在縣北九里

九隴山在縣北十三里

嚴君平墓在縣西南十里

濛陽縣

緊北至州四十里

本九隴雒新都新繁什邡五縣之地儀鳳二年于此分

置濛陽縣在濛江之水北因曰濛陽

彌濛水在縣南五十步

羅江水在縣北十里

蜀州

唐安緊

開元戶五萬二千六百

鄉八十八

元和戶一萬四千五百八

鄉八十八

禹貢梁州之域秦滅蜀為蜀郡在漢為郡之江源縣也

李雄據蜀分為漢原郡晉穆帝改為晉原郡後魏平蜀

後移犍為郡理此東三十里因省晉原郡以併之仍于

此西十里立多融縣取舊郡名也隋開皇年改屬益州

皇朝初因之垂拱二年割晉原等四縣屬蜀州

州境

案州境里數傳寫缺

八到

東北至上都二千一百一十五里
東北至東都二千九百一十五里

東至成都府一百五十里
東南至眉州一百七十里

東北至彭州一百二十里
西南至邛州八十三里

貢賦

開元貢 單絲羅 木蘭皮 沙糖

管縣四

晉原 青城 新津 唐興

晉原縣

望郭下

本漢江原縣屬蜀郡李雄時改為漢原首為晉原周立多融縣又改為晉原屬益州後因之垂拱改屬蜀州

鶴鳴山在縣西七十九里絕壁千尋張道陵天師學道

于此

多融山在縣西南

斜江水出鶴鳴山經縣西四十里

青城縣

望南至州四十一里

本漢江原縣地周武帝于此置青城縣因山為名屬犍為郡隋開皇三年罷郡縣屬益州垂拱二年改屬蜀州開元十八年改為青城

青城山在縣西北三十二里仙經云此是第五洞天上

有流泉懸澍一日三時灑落謂之潮泉

大江經縣北去縣二里

弩機水如弩箭水流甚急故名之縣東南四十里

新津縣 望西北至州八十里

本漢犍爲郡武陽縣地故城東七里又東有新津渡謂之新津市周閔帝元年于此立新津縣垂拱二年割入

蜀州

大社山在縣南三里在城郭南百里北枕大江南接連嶺每益土有難人多依焉

唐興縣

望西北至州四十里

本漢江原縣地後魏于此立犍爲郡隋開皇三年罷郡又徙熒道縣于此大業二年廢入新津縣武德元年于廢州置唐隆縣屬益州垂拱二年割入蜀州先天元年以犯諱改爲唐安至德二年改爲唐興縣
鄴江一名皂江經縣東二里出麩金
汶井江在縣西二十里

漢州

德陽上

開元戶四萬二千五百 鄉一百六
元和戶二千一百一十三 鄉一百六

禹貢梁州之域秦為蜀郡地漢分蜀郡為廣漢郡今州
即廣漢郡之雒縣也隋開皇三年罷郡縣屬益州皇朝

初因之至垂拱二年于雒縣分置漢州

州境東西六十八里
南北一百九十九里

八到東北至上都一千九百一十里
東北至東都二千九百七十里

東至梓州二百二十里
東北至綿州一百八十里

南至成都府一百里
正西微南至彭州七十五里

貢賦開元貢布二十疋
元和貢彌子布絞布
交梭羅

管縣五

- 雒
- 綿竹
- 德陽
- 什邡
- 金堂

雒縣望郭下

本漢舊縣也屬廣漢郡縣南有雒水因以為名隋開皇
三年屬益州垂拱二年割屬漢州

雒水在縣東一里

馬蹄水在縣南二里

綿水在縣東三十里

君平卜臺在縣東一里

鷹橋在縣南二里

綿竹縣

緊南至州九十里

本漢舊縣也屬廣漢郡都尉理之有紫岳山綿水所出初劉焉為益州牧從事賈龍選吏卒迎焉徙理綿竹撫納離叛陰圖異計其後遇天火燒葬乃徙理成都隋開皇十八年改名孝水縣境有孝子姜詩泉故取為名大業三年復為綿竹屬蜀郡武德中屬益州垂拱二年割入漢州

紫岳山在縣西北三十里

鹿堂山在縣西二十二里

綿水出縣西北紫岳山蜀都賦浸以綿洛謂此水也蜀人稱郫繁曰膏腴綿洛為浸沃

綿竹故城在縣東五十里諸葛瞻于此戰敗

德陽縣

緊西南至州四十五里

本漢綿竹縣地後漢分綿竹縣立德陽屬廣漢郡周閔帝元年郡縣並廢武德三年復置屬益州垂拱二年割屬漢州

鄧艾平蜀京觀在縣北三十三里艾以景元四年征蜀大破諸葛瞻于綿竹築臺以為京觀初瞻在涪而艾已

入江油瞻曰吾內不除黃皓外不制姜維進不守江油
吾有三罪何面目而反進屯綿竹埋人腳而戰父子死
焉

秦宓宅其地曰三造亭在縣北五里初太守夏侯纂三
造其門故以為名

姜詩泉在縣北三十九里詩母好江水一旦泉涌舍側
味如江水

鹿頭戍在縣北三十八里

什邡縣 望南至州四十里

本漢舊縣屬廣漢郡高祖封雍齒為什邡侯應劭曰什
音十故曰什邡俗名雍齒城周閔帝改為方亭縣武帝
省武德三年復置垂拱二年割入漢州

洛通山在縣西三十九里李冰導洛通山謂此也

雍齒城在縣南四十里

金堂縣 上北至州五十三里

本漢牛鞞縣地屬犍為郡咸通二年蜀郡長史李崇義
析雒縣新都及簡州金水三縣置以縣界連金堂山故
以為名舊屬益州垂拱二年割屬漢州

昌利山在縣東北十里

望蜀山在縣東南二里

中江水在縣東北一里

毗江水在縣西二里

邛州 臨邛上

開元戶一萬三千五十二
元和戶二萬五千一百七十六 鄉六十二
鄉六十五

禹貢梁州之域秦為蜀郡地今州即蜀郡之臨邛縣地也宋及齊梁不置郡縣惟豪家能服獠者名為保主總屬益州梁益州刺史蕭範于蒲水口立柵為城以備生

獠名為蒲口頓武陵王蕭紀于蒲口頓改置邛州南接邛來山因以為名領依政一縣隋大業二年廢以縣屬雅州武德元年割雅州依政等五縣置邛州

州境 東西二百八里
南北一百一十里

八到 東北至上都二千一百七十里
東北至東都二千三百里
東南至眉州一百七十里
東北至蜀州八十里

西至羌夷一百三十里
西南至雅州一百七十里

貢賦 開元貢 絲布

管縣七

臨邛 大邑 安仁 依政 臨溪 火井

蒲江

臨邛縣 緊郭下

本漢縣也屬蜀郡晉末李雄亂後為獠所侵後魏廢帝二年定蜀復于舊城置臨邛縣仍置臨邛郡隋開皇三年罷郡以縣屬邛州大業二年屬雅州武德復屬邛州銅官山在縣南二里鄧通所封後卓王孫買為陶鑄之所

白水水經縣南二里

火井廣五尺深三丈在臨邛縣南一百里以家火投之有聲如雷以竹筒盛之持行終日不滅蜀都賦云火井沈熒于幽泉

卓王孫宅在縣南五里

大邑縣 上東南至州四十九里

本漢江原縣地咸通二年割晉原縣之西界置

鶴鳴山在縣西北三十七里

七里池在縣西七里

安仁縣 緊西南至州二十八里

本秦臨邛縣地武德二年割臨邛依政唐興等縣置貞觀十七年廢咸通元年依舊置

斜江水經縣南五里

依政縣

上西至州五十七里

本秦臨邛縣地後魏于此置依政縣屬蒲陽郡隋開皇三年罷郡以縣屬邛州大業屬雅州武德復屬邛州噫棘山在縣南四十里山南眉州丹陵縣界

白木水東南經縣南十里

州城西漢末公孫述爲導江卒正理臨邛謂此城也

臨溪縣

中下東至州六十二里

本秦臨邛縣地後魏恭帝于此置臨溪縣屬蒲原郡隋開皇三年罷郡縣屬邛州後因之縣城三面據險北面平坦

孤石山在縣東十九里有鐵礦大如蒜子燒合之成流

支鐵甚剛因置鐵官

火井縣

中下東北至州六十里

本秦臨邛縣地後魏于此置縣屬雅州武德元年割依政等五縣置邛州縣屬焉縣有鹽井

蒲江縣 中下西北至州六十三里

本秦臨邛縣地後魏恭帝置廣定縣隋仁壽元年改廣定為蒲江縣南枕江水因以為名後因之

車應山在縣南八十里

蒲江水經縣南二百步

鹽井距縣二十里

簡州 陽安下

開元戶二萬二千二十三 鄉三十九
元和戶二千五百二十二 鄉四十九

禹貢梁州之域秦為蜀郡地漢武帝分置犍為郡今州

卽犍為郡之牛鞞縣也李雄據蜀夷獠內侵因茲荒廢

南齊于此置牛鞞戍隋仁壽三年于此置簡州因境有

賴簡池為名大業二年省武德三年復置

州境 東西二百一十二里
南北一百八十八里

八到 東北至上都二千一百七十里
東北至東都二千九百里
正東微南至普州二百四十里

東南至資州三百二十里
東北至梓州三百一十里

正西至陵州一百八十里
正西微北至成都府一百五十里

貢賦 開元貢 紬一十五疋

管縣三

陽安 金水 平泉

陽安縣 上郭下

本漢牛鞞縣也後魏恭帝二年于此置陽安縣屬武康郡隋開皇三年罷郡縣屬益州武德三年置簡州縣又來屬

分棟山在縣西七十七里

中江水即牛鞞水也昔羅尚乘牛鞞水凍征李雄即此水也

賴簡池在縣東九十六里

陽明鹽井在縣北十四里又有牛鞞等四井公私仰給

金水縣 上南至州一百五十里

本漢廣漢郡之新都縣地也縣有金堂山水通于巴漢東晉義熙末刺史朱齡石征蜀于東山立金泉戍後魏平蜀置金泉縣隸金泉郡隋開皇三年罷郡以縣屬益州武德元年以避神堯諱改為金水縣屬簡州

金堂山在縣北二十四里

銅官山在縣北四十九里

大渡津在縣北三十里

平泉縣 中北至州四十八里

本漢牛鞞及符縣地後為夷獠所居後魏恭帝二年于此置婆閏縣屬益州十八年改為平泉縣以縣內有泉源出于平地故以為名隋仁壽三年置簡州以縣屬焉皇朝因之

大塔山在縣西北六十三里與分棟山連屬南入陵州界

赤水經縣南七十步

上軍井下軍井並鹽井也在縣北二十里公私資以取給

婆閏故縣在縣南四十六里

資州 資陽上

開元戶一萬八千五百二十二 鄉五十三
元和戶一千四百九十九 鄉五十五

禹貢梁州之域秦併蜀為蜀郡在漢即犍為郡資中縣地也李雄之亂夷獠居之後魏廢帝二年析武康郡之陽安縣置資州取資水為名也隋大業三年改為資陽郡武德元年復為資州

州境東西三百四十八里

南北一百三十三里
東北至上都取遂州路二千三百三十里
東北至東都三千二百九十里

東至合州五百六十五里
正西至昌州二百六十里

西南至榮州二百六十里
西北至簡州三百二十里

正北微東至普州一百七十里

貢賦 開元貢 麩金 甘子
賦 綿 絹 布 麻

管縣八

盤石 資陽 內江 丹山 銀山 龍水

清溪 月山

盤石縣 上郭下

本漢資中縣地後為夷獠所居周武帝于漢資中故城
置盤石縣屬資中郡隋開皇三年罷郡屬資州皇朝因
之

牛鞞水合內江水南去縣二十步多魚鼈亦出麩金

資陽縣 上東南至州一百二十里

本漢資中縣也屬犍為郡李雄亂蜀縣荒廢後魏廢帝
二年始通巴蜀開拓資中周明帝于資中縣置資陽縣
因資水為名屬資陽郡隋開皇三年罷郡縣屬資州

牛鞞水東去縣二十一里

王褒墓在縣西北十五里褒資中人也宣帝使祠金馬

碧雞道病死

內江縣 中西北至州九十八里

本漢資中縣地後漢分置漢安縣李雄之後陷于夷獠

周武帝天和二年于中江水濱置漢安戍其年改為中

江縣屬資中郡隋文帝避廟諱改為內江縣屬資州皇

朝因之

鹽井二十六所在管下

丹山縣 中南至州二百三十里

本漢資中縣地貞觀四年于此置丹山縣取界內崇丹

山為名也

銀山縣 中西北至州四十八里

本漢資中縣地隋為內江縣地義寧二年分置銀山縣

因縣界銀山為名

鹽井一十一所在管下

龍水縣 中東至州一百二十里

本漢資中縣地義寧二年招慰夷獠于此分置龍水縣

以縣西北有溪屈曲繞城如龍因以為名

清溪縣 中下西南至州一百三十里

本漢資中縣地自晉訖梁夷獠所居隋大業十二年于此置牛鞞縣因牛鞞水為名也皇朝初因之天寶元年

改為清溪縣

月山縣 中下東至州五十里

本漢資中縣地隋義寧二年分置月山縣

內江水在縣南一里

嘉州 犍為中

開元戶二萬二千九百一十二 鄉五十三
元和戶一千九百七十五 鄉六十五

禹貢梁州之域秦為蜀郡今州即漢犍為郡之南安縣地也後夷獠所侵梁武陵王蕭紀開通外徼立青州遙取漢青衣縣以為名也周宣帝二年改為嘉州境接近漢之漢嘉舊縣因名焉隋大業二年併嘉州入眉州八年改為眉山郡武德二年改為嘉州割通義洪雅等四縣別置眉州

州境 州境里數傳寫缺

八到 東北至上都二千三百五十里
東北至東都三千二百一十里

東至榮州二百一十里
東南至戎州陸路三百二十里
正西微北至雅州三百二十里
北至眉州一百四十里
正北微東至陵州一百九十里

貢賦

開元貢

麩金

小布

麻

絹

綿

管縣八

龍遊

夾江

綏山

羅目

峨眉

玉津

平羌

犍爲

龍遊縣

緊郭下

本漢南安縣地周武帝保定元年于此立平羌縣隋開

皇三年改爲峨眉縣九年又于峨眉山下別置峨眉縣
改州理平羌縣爲青衣縣取青衣水爲名也十三年改
爲龍遊以隋將伐陳理舟艦于此有龍見江水引軍而
前故名縣皇朝因之

青衣水經縣南去縣三里

蘇稽戍在縣西南三十里

夾江縣

上東南至州七十五里

本漢南安縣地隋開皇十三年割平羌龍遊二縣地于
夾江廢戍置夾江縣屬嘉州大業三年割屬蜀州武德

元年卻隸嘉州

青衣水經略西

綏山縣 中東至州四十里

本漢南安縣地隋大業十一年招慰生獠立以為縣因山為名屬眉山郡武德元年割屬嘉州

綏山在縣西南一百一十九里在峨眉山西其高無極

峨眉山在縣西南三十六里

小峨眉山在縣南六里

羅目縣 中東北至州九十五里

本漢南安縣地麟德二年招慰生獠于今縣西南一百八十三里置沐州及羅目縣前上元三年州縣俱廢儀鳳三年重置屬嘉州羅目獠中山名因以名縣

峨眉山在縣西四十里

大渡水在縣北二百步

峨眉縣 上東至州七十五里

本漢南安縣地周武帝于此置平羌縣後改平羌為峨眉縣又以為青衣縣乃別立峨眉縣枕峨眉山東麓故

以爲名屬嘉州隋大業三年割入眉州皇朝武德又屬嘉州

峨眉大山在縣西七里蜀都賦云抗峨眉于重阻兩山相對望之如峨眉故名此山亦有洞天石室高七十六里

中峨眉山在縣東南二十里有古穴初纔容人行數里漸寬有鍾乳穴穴有蝙蝠其大如筐

車剛水在縣北二十里

玉津縣

中西北至州三十九里

本漢南安縣地李雄時夷獠自牂柯入居焉蕭紀置青州之地隋大業十一年于此置玉津縣以江有璧玉津故以爲名皇朝因之

峨眉江在縣城下

玉津鎮在縣城中

平羌縣

中南至州一十八里

本漢南安縣地周武帝置平羌縣因境內平羌水爲名隋開皇四年改州理平羌縣爲峨眉縣仍于今縣東六十里別立平羌縣大業十一年夷獠侵沒移于今理

熊耳峽在縣東北三十一里

犍為縣 中下西北至州一百五十六里

本漢南安縣地周于此置沈犀郡并立武陽縣隋開皇三年廢郡以縣屬戎州又改武陽為犍為縣前上元二年割屬嘉州

大江在縣西十步

大鹿山在縣北一里

沈犀故城在縣東南三里

戎州 南溪中

開元戶六千七百八十七 鄉二十五
元和戶一千二百九十三 鄉二十五

禹貢梁州之域古樊國也初秦軍破滇通五尺道至漢武帝建元六年遣唐蒙發巴蜀卒通西南夷自樊道抵牂柯鑿石開道二十餘里通西南夷置犍道縣屬犍為郡今州卽犍道縣也戎獠之中最有人道故其字從人李雄竊據此地空廢梁武帝大同十年使先鐵討定夷獠乃立戎州卽以鐵為刺史後遂不改

州境 東西五百六十里
南北七百一十三里

八到 東北至上都取嘉眉州水陸相兼二千七百里
東北至東都三千五百六十里

東北至瀘州水路三百一十里陸路三百四十里
西南至石門鎮三百里
西南至南詔所居羊苴咩城二千三百里
西北至嘉州水路三百五十里陸路三百二十里
北至姚州三百一十里

貢賦 開元貢 葛布 紵布 元和貢 荔枝煎四斗

管縣五

夔道 義賓 開邊 南溪 歸順

夔道縣 中郭下

本漢舊縣也屬犍為郡永嘉後荒廢梁于此立戎州周保定三年改夔道為外江縣隋大業三年改為夔道縣

出荔枝一樹可收百五十斗

黃泉山在縣西北五十九里

汶江流經縣東北去縣十步

馬湖戍在縣西二十一里

義賓縣 中東南至州一百六十里

本漢南安縣地屬犍為郡天寶元年改為義賓屬戎州
大秋溪在縣東南一十三里有秋溪鹽井蓋因此水為名也

開邊縣 中東北至州六十五里

本漢熨道地也周為外江縣地隋開皇六年于此縣北一百三十里野容川置開邊縣後上元元年獠賊叛亂因而荒廢永泰二年復于今理

小梨山在縣南四十七里

大梨山在縣南六十里

南廣水在縣西北一里

鹽泉鎮在縣西南八十里

南溪縣 中西至州五十里

本漢熨道縣地梁于此立南廣縣屬戎州隋仁壽二年

改為南溪縣避煬帝諱也皇朝因之

平蓋山在縣東二十里多荔枝

可廬山在縣南五十里山多邛竹

汶江經縣南去縣十步

歸順縣 中下

聖歷二年析郁鄔縣地以生獠戶置

元和郡縣志卷三十一



程